


# HEPELEU,

## KAPETULU WAMUCHIVALI <sup>2</sup>

 . . . twaya chatete, kaha nakutanga Visoneka, shikaho ikiye ahashile kupezelesa na kumona nge wapwile Muchano mokomoko chiku. Ikiye achimbachile, kupwa Muchano, ha Tesitamende Yamwaka. Jino, Paulu apwilenga mukashikola wa Tesitamende ya Mwaka. Vangahi vatachikiza ngachize? Ikiye vamunangwile kuli umwe wamunene wamwaza wa likumbi lyenyi, Gamaliel, mukakutanga wakulimanyina. Kaha Paulu atachikijile Tesitamende Yamwaka. Kaha Ngwashingtonyeka kulinyikisa chenyi chatete, nge omu Ngwahanjikanga na chimene chino, omwo ikiye apwile nakwambulula kufwa cha Setefwani. Chumachimwe chatelele kumukwata Paulu, mwomwo vyosena kuhita mukusoneka chenyi chatwalileho kusoloka, “Kangweshi wakutelako, mwomwo Ngwayanjishile Liuka palanga nakukufwa. Yami ngunapu umwe wamundende mukavo.”

<sup>95</sup> Mamalelo, oloze Kalunga apwile na chishinganyeka chakuhandunuka. Ikiye apwilenga lunga umwe waundume ha likumbi lize.

Talenu Mukakujila Paulu, kapositolo  
wamunene,  
Na chikuto chitoma kaha chamwaza, (nge omu  
hanjikile mukakusoneka,)  
Mamalelo, kuze kuli vene kwasa chimwe  
Omwo etu vosena natukaliwana Kuze.

Lize Likumbi lyalinene omwo Nangukamumona ikiye kutambula muchama wavaze vajihile, fweto ya kuvajiha!

<sup>96</sup> Ngwemanyine hamwe kuze kulimba lyamwaka, hano keshi kunyima chikumako, kuze ikiye asonekele eji Jisona. Kaha jino vakiko vavatwile mutwe wenyi. Kaha kumushindakanyina haze hakusanyishila, kusanyisa chize chakusanyina. Kaha kaze ka Yuleya kakandende kuze, ikiye ngwenyi, “Ngwatwama mumujimba wami lusona lwa Yesu Kulishitu. Ngwazungile na tunyama ku Efwesu, oloze Ngwazungile kuzunga chamwaza. Ngwazamine mukiko vene. Ngwatwalileho Lufwelelo. Kaha kufuma haze, kuze kunatwame muchama wakwoloka, uze Mwata, uze Chambamilonga wakwoloka, mwaya nakunguhana yami ha Likumbi lize. Kaha keshi yami kahako, oloze na vosena vase vazanga kusoloka Chenyi.” Omwo Ngwazanga chize! Mamalelo, Ngwatondo kupwa wakulava na vase! Etu twapwilenga nakwimba myaso kana:

Mamalelo, unatondo kupwa wakulavila  
 hamwe na umwe wamulimba Lyenyi?  
 Unatondo kukulava nge umwe wamulimba  
 Lyenyi?  
 Pwako wakuzeneka lipenga mukachi kove,  
 pwako wakutona na kuvandamina chize  
 kusoloka kupwako;  
 Ikiye ali nakwiza cheka.

<sup>97</sup> Ngwatondo kupwa umwe wavo. Jino mukakusoneka  
 mwakaya kulutwe, ngwenyi:

*Shikaho chatela kuli etu kutalisa kanawa . . . michima  
 yetu kuvyuma vize etu twevwile, kuchina hamwe  
 natuhungumukako.*

<sup>98</sup> Nge omu twanangulanga hali echi, chimene chino, vasi 2  
 yakuzata, “Kachi . . .”

*Mwomwo kachi nge mazu lyakuhanjika kuli  
 vangelo . . .*

<sup>99</sup> Ika etu tunawane *vangelo* kupwa? Tupolofweto. “Kalunga  
 ahanjikile mulwola lwakunyima . . .” Jino, ove watela kupwa,  
 keshi chishinganyeka chetu, oloze eyi Mbimbiliya. Jino kapetulu  
 1, wa . . . kapetulu 1, vasi 1.

*Omu alingile Kalunga hanahanjika lyehi . . .  
 hashikulu kuli . . . vakakuluka jetu muli vapolofweto,*

<sup>100</sup> Jino ikiye mwaya hano, nakuhanjika cheka.

*Mwomwo kachi nge mazu aze akuhanjika muli  
 vangelo apwile akuzama, . . .*

Kaha *kangelo* alumbunukila muka? “Muluwa.” Kachi  
 muluwa wa Kalunga wakuwavisa . . . Kaha jino kachi etu  
 natupwa vakuwavisa, etu twapwa miluwa ja Kalunga. Etu tuli  
 valuluwa ku kaye, mukakwimanyinako wa Mwilu, kuhanjika  
 nge etu twapwa vakakuzuzumana kaha vangeji nawa. Etu  
 katwechi va muno mukayeko. Oloze etu tweji kutondatondanga  
 Mbongi ili nakwiza, yikwechi Mukakutunganga kaha Nakuyitenga  
 napu Kalunga. Etu katwahaka luheto lwetu hamavuko, muze  
 munahase kwingila veji, kaha mavunu, ndala, na kwenyeka.  
 Mwomwo, luheto lwetu luli Mwilu, muze Yesu atwama kulivoko  
 lya chilyo lya Wakulitulaho. Mamalelo, chuma kana kuwaha  
 kaha chuma chamwaza, hakutachikiza chize:

Malutalilo etu anapu akutungiwa keshi  
 hekako  
 Kuhambakana Manyinga a Yesu na kwoloka;  
 Omwo vyuma vyosena vyajinguluka mwono  
 wami navifuma mujila,  
 Kahajino Ikiye napu lutalililo lwami na  
 kutwama.

Hali Kulishitu, Lilolwa Iya kukola,  
 Ngunemana;  
 Hamavu heka hali ha usekulula  
 wakushikumuka,  
 Ha mavu eka osena uli usekulula  
 wakujiminyina.

<sup>101</sup> Omu Eddie Perronet asonekele uze mwaso, mulwola lwakunjisa!

*Jino, kachi lize mazu akuhanjika kuli vangelo apwile akuzama, . . . (Omwo muluwa wa Kalunga ahanjikile eli Lizu, Lyemanyine.) . . . kaha kala fweto yosena vyamwene fweto yakwoloka;*

*Kahaetu etu vene natupulukamo ngachilihi jino, kachi etu katweshi kwivwa Kulishitu, Uze mwahanjika kufuma Mwilu?*

Jino tala:

*Kahaetu vene natukapulukamo ngachilihi, hakuhumbula ulwilo waunene ngana; . . . (Shinganyeka hali echi.) . . . ou omu valivangile hakuputuka kuwvuluka muli Mwata, . . .*

<sup>102</sup> Kulishitu aputukile milimo Yenyi. Chuma muka Ikiye alingile? Etu twamutale Ikiye, omu Ikiye . . . mukulikehesa, wakushikumuka, omu Ikiye kapwile muthu wamunene keshi nge mukakulinangula vyauthuko. Oloze Ikiye apwile wakulinyisa, kuvova, wakalemesa. Ikiye kapwilenga mukakunangula waundume. Lizu Lyenyi vahonene kwivwa mujila.

Oloze Yowano ayile nge ndumba. Ikiye apwilenga mukakunangula.

<sup>103</sup> Yesu ejile, keshi nge ndumba kukuhwokako, oloze Kalunga kuzachila hamwe na Ikiye, kwijikiza Lizu. Kalunga apwilenga na Kulishitu. Petulu ahanjikile ngachize, ha Likumbi Iya Pendekosita, “Enu malunga va Isalele, kaha enu mwatwame mu Yuleya . . . Yesu waku Nazaleta, Muthu wakwijikiza kuli Kalunga mukachi kenu, ha vinjikizo na vihayamisa na vikomwesa, vize Kalunga alingile na Ikiye, mukachi kenu enu vosena, vase enu vosena munapu vinjiho.” Tala omwo ikiye achihakile hali vakiko. “Enu kachi mwamu tachikize Ikiye.”

<sup>104</sup> Yesu ngwenyi, “Enu vakakulyonga.” Ambile ngwenyi, “Enu lovokenu nakuya kaha talenu hamusana, kaha enu . . . Uli uchila na kushikumuka, enu ngwenu, ‘Nakuya nakucha.’ Kaha kachi chili kumunyika na musana, mokomoko vya ngocho, ove ngwove, ‘Echi nachiya nakupwa cha mwaza.’” Ngwenyi, “Enu munahase kutumbununa muutangatanga, oloze vinjikizo vya lwola, enu kamweshi kuhasa kutumbununako. Mwomwo kachi enu munangutachikiza Yami, kachi munatachikiza likumbi Lyami.”

<sup>105</sup> Mamalelo, chuma muka Ikiye mwatetumuka ufuku uno. Omu Shipilitu Yenye kutambakana kuhichila muli vakakunangula Chenye, “Elu lwola lunahete!”

Etu tweji kutumbununa. Etu tuli nakutala atomic bombs. Etu tunatachikiza hiya mwaya nakushisa muchihela cha Clark Gable’s, kaha hiya mwaya nakulinga *echi, chize*, mokomoko chize *chikwavo*; mokomoko hiya mwaya nakupwa muhato wa kolokoko. Etu tuli nakufwila muli chize, oloze etu katweshi kuhasa kutumbununa vinjikizo vya lwola. Etu tuli kumakumishilo.

<sup>106</sup> Chumamuka echi? Etu tunapu vakakufwilamo chikuma, “Chumamuka chili ha chisaji chamivwimbimbi? Chumamuka Susie mwaya nakulinga?” mokomoko chumamuka uze pwevo walijina. “Kaha kulihi Arthur Godfrey ali nakuya? Kusehesa muka ali nakuya nakulinga lwola lukwavo?” Etu, kupwa Vakakulishitu, kuzalisa vishinganyeka vyetu na vyuma vyamajilo, omwo etu twatela kupwa mukulomba kumwe, na kutanga Mbimbiliya, kutachikiza vinjikizo vya lwola etu tuli nakuyoyelamo.

<sup>107</sup> Chuma muka echi, lwola lwaluvulu, vali kukamenga, chize chakwoloka, chize kacheshi nakushikumuka nakuneha ou Mujumbu wa Muchano. Etu natuya nakukumbulula hali chize mumakumbi kwiza. Etu katwatela kupwa chumako. Kaha vathu, nge omu tuli hano hali eyi Mbalaka ya Branham, kumona vinjikizo na vikomwesa, na ngolo ja kusanguka cha Kulishitu; kaha jino kutachikiza nge etu natutanga chihela chetu—lwola lwetu hali vyuma vikwavo, kaha kukana kwivwa Lizu lya Mwata Yesu, “Natukashina ngachilihi, kachi etu natukana ou ulwilo kana?”

<sup>108</sup> Ize vasi 3, mokomoko vasi 4. Hano hakiko etu twakumishilile, ha vasi 4, chimene chino.

*Kalunga nawa asolwele unjiho, . . . (Mamalelo, yami!)*

*Kalunga . . . asolwele unjiho, . . .*

Ivwulilenu ku Lizu.

*. . . navinjikizo na . . . vyuma vyakukomwesa, na vilinga vya ngolo, . . .*

Kala *vilinga* vya vikomwesa? Nyi *mwakuhandunuka handunuka* chumamuka? *Mwakuhandunuka handunuka* kulumbununa “kuvula.” “Na *kuvula* cha vikomwesa, Kalunga kupwa chinjiho.” Ove Kalunga! Ngwafwelela nge Echi nachiya nakwingila mumichima yenu. Ivwulilenu.

<sup>109</sup> Nguli umwe hali mapashita jenu, na Ndumbu walunga Neville hano. Ngwatondo enu kumbata Echi kupwa unjiho. Eyi Mbimbiliya ngwayo, “Kachi kuli umwe mukachi kenu, kaha ikiye ngwenyi *munganji mukananga*, kaha echi kachejile nakuhitako, kanda kwivwa echiko, mwomwo

Kangwahanjikileko. Oloze kachi ikiye mwahanjika mu Lijina Lyami, kaha chuma muka ikiye ahanjikile chejile nakusoloka, kahajino mwivwulilenu Echi.” Amena. “Mwomwo Nguli na kapolofweto, mokomoko mukakunangula, kala mwosena omwo nachipwa. Kachi ikiye mwahanjika nachisoloka, kahajino mwivwulilenu.”

<sup>110</sup> Jino, masepa, echa twivwenga Ikiye, ou Shipilitu Wajila kuhanjika mukachi ketu, kusolola vikomwesa kakavulu, na vinjikizo, na vihayamisa. Echa echi chihone kaha kuhita hali Echi kupwa kaha nge chakusoloka kaha. Echa etu twanukenu nge Napu kaha Yesu Kulishitu, youmwe zau, lelo, na hayamyaka; kwinjikiza Lizu Lyenyi. Etu twatela kulinga echi. Mamalelo, mwane chilinge echi. Zangamenu. Echa vyuma vyosena vipwenga vyamuchivali, nazuvo yove vene, na lunga lyove, na pwevo lyove, na vana vove. Kala chuma chinahase kupwa, kuhaka chamuchivali. Chihela cha Kalunga chatete. Ove ngwove, “Ndumbu walunga Branham, vana vami?” Ha chuma chimwe. Chihela cha Kalunga chatete. Echa Ikiye apwenga watete.

<sup>111</sup> Elija ejile nakufuma ku pili, likumbi limwe. Ikiye apwilenga kangelo, muluwa, muluwa wa Kalunga, wakuwavisa. Kaha ikiye awanyine pwevo watliwe ali nakumbata tutete tuvali. Ikiye ambile ngwenyi, “Yako, ungulingileko kambolo kakandende, kaha ngunehleko meya amandende.”

<sup>112</sup> Kaha ikiye ambile ngwenyi, “Nge omu wayoya mwono wove, Nguli kaha nakambolo kakutamo, mokomoko unga watiliku wakutamo, wakumbangisa kachindanda. Kaha Nguli kaha maji akutamo mangana nguyenga, kuufutula, hatando yayindende. Kaha Nguli kaha nakumbata tutete tuvali.” Jila yamwaka yapwilenga, jila yava Indian, kusavalika lukunyi halukwavo na kuwika haze hakachi, nakutwalilaho kushinjika. Kulingisa kakahya kamuchilombo. Ngwenyi, “Kaha Yami nanguya nakuteleka chize chindanda na yami na kanyike wami walunga, kema yami. Kaha etu natuya na kulya na kufwa.” Kuze kwapwilenga changa ha myaka yitatu na chimbwa cha tukweji vatanu naumwe, chakuzeneka meya kumwe.

<sup>113</sup> Uze wapuhu, kapolofweto wamwaka, atalile hali uze pwevo mumeso. Ikiye ambile ngwenyi, “Yako, ngutelekele yami kambolo chatete.” Lushimbi kana, kuli lunga kulweka pwevo watuliwe, alinakufwa kuzala, amulise ikiye chatete. Chumamuka ikiye ahanjikile? “MUKIKO MWANAMBE MWATA, mumbango kamweshi kuhwako, mokomoko mumulondo kuma, palanga nomu Kalunga mwakatuma vula hamavu.”

Chatete, Kalunga. Ikiye ayile nakwingila na kumutelekela kambolo kakandende, kaha kwiza nakumuhana kapolofweto. Ayile cheka na kuteleka yeka yimwe, kaha yeka, kaha yeka, kaha

yeka. Kaha muze mumbango kamweshi mwamupolongwako, mokomoko musaji kuma, palanga nomu Kalunga atutumine vula hamavu. Ikiye ahakile Kalunga kumeso avana venyi. Ikiye ahaka Kalunga shimbu kanda chuma cheka. Ikiye ambachile Wangana wa Kalunga, chatete.

<sup>114</sup> Kalunga atela kupwa na chihela chatete mumuchima wove, chihela chatete muchiyoyelo chove, chihela chatete mu vyuma vyosena vize ove mulinga mokomoko chuma muka ove wapwa. Kalunga atela kupwa watete. Ikiye katondele chihela chamuchivali. Ikiye katela kumbata chihela chamuchivali. Ikiye apangile mishisa ya mwaza, kaha chatete, kaha vyosena etu tukwechi. Ikiye apangile mishisa. Kukisula chipwenga Lijina Lyenyi lyajila!

*Mwomwo Kalunga nawa asolwele...unjoho, ikiye ahanyine unjoho, navanjikizo na vyuma vyakukomwesa, . . . navilinga vya ngolo, navya Shipilitu Wajila vyakupangila, nge omu wayile muchima wenyi?*

<sup>115</sup> Keshi omu navahanjika vathuko, shina omu liuka nalianjika, oloze pungu ya Kalunga yapwile ika. Mamalelo, etu twtondeka kutonda muchima wa Kalunga, keshi uselewa wa hiya twalihata nenyi, keshi uselewa wa vana, keshi uselewa walunga lyove mokomoko wapwevo lyove. Oloze, kutonda muchima wa Kalunga, kaha linga chize chatete. Kahajino vyuma vyosena nawa, pungu ya pwevo na navakapwa muli vana, nachiya nakuholoka vene muli echi. Oloze, chihela cha Kalunga chatete.

<sup>116</sup> Tala, jino.

*Mwomwo mafuchi ahamavu aze nawakeza kulutwe awa tuli nakuvuluka kavawaluwile kuli vangeloko, shikaho mukiko natuhanjika.*

<sup>117</sup> Olozenyi, vaze Vangelo vavanene vaze veji kuzachilanga Melu, Gabriel, Micheal, woodworm, kaha teni sauzande nama teni sauzande ya masauzande ya Vangelo va Mwilu; mokomoko teni sauzande ya tupolofweto vaze vanapunga hano hamavu, vosena muli vakiko; Ikiye naumwe pimbi ahakile kupwa wakutetekela kaye kaze kali nakwizako, aka etu tuli nakhanjikaho. Keshi numba uweko! Ikiye kahanjikile ngwenyi, "Isaya, enu namuya nakutwaminyina kaye." Ikiye kanda lyehi amihake kaye mu mutwe wachihande kuli Elija. Chipwethuhu Ikiye achihakile echi kuli Gabriel, mokomoko kala kangelo, kala shipilitu yakuzachila.

<sup>118</sup> Talenu chuma muka ikiye ahanjikile, Paulu, hanga amutohwesa Kulishitu, shikaho ou etu tuli nakuhajikaho.

*Oloze kwapwile umweambulwile unjoho, hamwe ngwenyi, Muthu apwa ngachilihi, numba umwanukenga? chipwe mwana muthu, numba ove umwalakane ikiye?*

*Ove wamulingishile kulihona chachindende nakweseka navangelo; ove wa muvwikile muchama waupahu na kavumbi, wamuhakile helu lya milimo lya mavoko ove:*

119 Jino, kachi enu mwatondo kutanga echi, mu Jisamu 8:4-6, Ndavichi kuhanjika. Jino chuma muka ikiye ahanjikile Ndavichi hano? Mukiko kaha, haze vene, chipwethuhu Ngwapwile wakwoloka na chimene chino, hali kapolofweto.

120 Ikiye ngwenyi, “Mwomwo umwe hali vase vangelo vahanjikile muchihela chimwe.” Ndavichi, muluwa wa Kalunga, apwilenga kangelo ka Kalunga, mwomwo ikiye apwilenga muluwa wa Kalunga. Uze kangelo ambile ngwenyi, Ndavichi ambile ngwenyi, mu Jisamu, “Ove unamulingisa Ikiye kupwa wakushikumuka kuhambakana Vangelo va Mwilu.” Kangelo ambile ngwenyi Kalunga kumulingisa Ikiye kupwa mwishi kuhambakana Kangelo, mangana Ikiye Amuvwiike muchama; kaha Ikiye nahase kuyanda na kumakila kufwa, mangana amuzezule cheka. Nge Ikiye nahase kumulingisa Ikiye kupwa . . . swana vyuma vyosena vya kaye. [Hatepu hapimbi—Muka.]

121 Jino, mu—mu Mateu 28:18, etu tunatange evi. Hanyima Ikiye vanamusukika na kusanguka cheka halikumbi lyamuchitatu, Ikiye aliwanyine na tumbaji Twenyi na kuvatuma nguyenga mukaye kosena, mangana kunangula Mujimbu wamwaza kuli tengeso yosena. Ikiye ambile ngwenyi, “Jingolo josena Mwilu na mavu vanajihane kuli mavoko Ami. Ngolo josena Mwilu, ngolo josena hano hamavu, vanajihane kuli Yami.” Chapwile chuma muka? Muthu na Kalunga kulinunga. Ize Longosi vayilingishile kupwa musonyi kaha vavajihile, kaha kusanguka cheka ha kutuvulukila kwoloka, kaha apwile jino Emanuwele wakuwavisa haya myaka na myaka. Kalunga alumwine chihela Chenyi chakutwama, kufuma ku Litanda muchihela muze, ku muchima wa Mwana Nenyi, Kulishitu Yesu, kuyoya na kuyula hayamyaka. “Kalunga apwile muli Kulishitu.” Ikiye ali muchihela chamakumishilo cha Shipilitu.

122 Ize Shipilitu vatwamine mu mbalaka, likumbi limwe, munejiva chize, mwishi ya mbalaka. “Kaha Solomone Amutungilile zuvo. Oloze, chipwe ngocho, ou Alitulaho katwama mumazuvo akutunga namavokoko.” “Oloze mujimba ukiko Ove wunangutengela Yami.”

123 Mu Mukanda wa Vilinga, kapetulu 7, omwo ikiye apwilenga nakuhanjika, ikiye ambile ngwenyi, “Vosena vamwene Echi. Vakiko vatungile mbalaka hali Ikiye, Mose alingile, apwile na mbalaka, na kuhaka chikasha muze, mwomwo Kalunga apwilenga ha Chitwamo cha Keke. Ikiye katwamine muze ko.” Chosena chakwoloka.

124 Kahajino, “Mujimba unakulingisa Yami,” mujimba wa Mwata Yesu Kulishitu, vamulingishile kupwa wakukeha

kuhambakana Vangelo mangana vamakile kufwa; kaha kakweshi wekako shina Wakulitulaho, Kulishitu; uze Mwangana wa Kuunda, uze Mwangana wava myangana, ou Mwata wava myata, uze Tengi wa kala tanganyika muutangatanga.

<sup>125</sup> Ove Kalunga! Ikiye ejile nakupwa kuhambakana tengeso Yenyi, mangana Ikiye asokola muthu (wakuzeneka limbo, wakuzeneka kukafwa), kaha kuvahana limbo Mwilu. Ikiye asele maupahu Mwilu. Ikiye asele Lijina lyehelu lize vavuluka. Kaha omwo Ikiye apwilenga hano hamavu, muthu amuhanyine Ikiye lijina lya makumishilo muze vakiko vanahase kumuhana Ikiye, ngwenyi, “Ikiye apwilenga kema wakuzeneka masevo, kukuputuka.” Wakusemuka mumahina, wakujingilika mumalambu ahanyima aha kuli a ngombe. Kakweshi numba chihela chakuyako, apwile na limbo lyakuyako. Kaha vamuvulukile kupwa, “Mbelezembule,” mwangana wava ndemone. Ikiye vamunyanjishile. Ikiye vamufwijilile. Ikiye vapwilenga nakumusekeleka. Ikiye vamukanyine, kaha ayile kwishi ya wina, na kumujika “lihule wamunene.” Echi chikoko muthu nalingi na Ikiye.

<sup>126</sup> Oloze Kalunga amusangwile Ikiye helu chikuma ngana nge Ikiye atela kutala hamavu kumona Mwilu. Muthu amuhanyine Ikiye chitwamo chamakumishilo, kumuhana Ikiye chihela chachipi, lijina lya makumishilo. Kalunga amusangwile Ikiye kaha Amuhanyine Chitwamo chahelu, kaha Lijina lyahelu. Echi chikoko chihandwa na Mwana Kalunga, na chuma Kalunga nalingi na Mwana Kalunga.

<sup>127</sup> Ikiye engililemo, nge etu twatela kupwa helu. Ikiye ejile nakupwa nge etu, mangana etu kuhichila mulikoji Lyenyi mangana tupwenga nge Ikiye. Ikiye ejile nakupwa wakuzeneka limbo, kaha ejile nakupwa wakuzeneka limbo Lyavene, nge etu mangana tupwenga nalimbo. Ikiye ejile kuli vakakuviza kaha vamulingishile kuviza Lyavene, mangana etu tupwenga vakuhinduka. Ikiye ejile kuli mukashili, “kaha vamulingishile shili, Lyavene,” nge etu vanahase kutulwila.

<sup>128</sup> Shikangaho Ikiye vamukulile. Shikangaho Ikiye Napu Hiya ufuku uno. Kalunga amuzezule Ikiye, kaha ngolo josena mu Melu na ha mavu kumuhana Ikiye.

<sup>129</sup> Omwo milimo Yenyi yamavu naukakuma, hano hamavu. . . Ikiye ejile hano hamavu, haze vene Ikiye alingile, uze tanganyika wa chimene amuvulukile Ikiye kupwa Mwana Kalunga. Ikiye anyikishile kala liyavolo uze Ikiye aliwanyine nenyi. Lyakukisula Lijina lya Mwata! Maliyavolo kuchikima nakundenda, kaha kulembelela keke, ku Meso Eyi. Eyo, mwane. Hetese vosena kutachikiza Hiya Ikiye apwilenga.

<sup>130</sup> Atambukile mukulikehesa, Ikiye kapwile na chihela cha kusachila mutwe Wenyi, haufuku wavula. Vaze vene tunyama vaze Ikiye atengele, “Vaze tujila vamuutangatanga vapwile na



maswa, kaha mimbwe vapwile namena, oloze Mwana muthu kapwile na chihela chakuhaka mutwe Wenyi wakukisula.” Punduvene, Ikiye apwileko.

<sup>131</sup> Ikiye ejile nakupwa mukashili, mwomwo apwile wakushikumuka kaha wakukana. Oloze maliyavolo vatachikijile Ikiye Hiya apwile. Vakiko valembelele keke. Vakiko vambile ngwavo, “Mwomwoika Ove wejile mangana utuyanjise shimbu kanda lwola lwetu lwizenga?” Kaha shimbu vakakunangula vapwile nakumusanyika Ikiye, “Mbelezembule, muyachi kana,” vaze vandemone vapwile nakumusanyika Ikiye, “Uze Mwana Kalunga wakuyoya,” na kukasa hachi keke.

<sup>132</sup> Mamalelo, omwo etu tunahase kaha kwimana munyutu kaha! Ove yove hiya, mwosena omwo? Nyi mulimo muka unatwale mulihi? Mokomoko chumamuka chize zuvo yayindende etu tuli nayo? Eyi motoka tuli nayo chalumbunukila mulihi?

<sup>133</sup> Kanyike wapwevo wamwaza, ove wamundende, chumamuka uze wamundende kutala omu uli jino? Enu vakweze vamaunga kumunyika, najikambu jakupula, mafwiji akusungama, nawakaya nakuhenga likumbi limwe, omwo nawakakunyuka na chisemunuino.

<sup>134</sup> Oloze, vakukisula kupwa Mwata! Ove ukwechi mwono uze unasemuka chachihya. Ove muya nakuyoya haya myaka na kala, mwomwo Ikiye ejile nakupwa, nge enu kuhichila mulikoji Lyenyi mangana twizenga nakupwa Ikiye, kaha kumiwahishile chihela.

<sup>135</sup> Mamalelo, etu twashinganyeka nge etu twatela kuvwala mauvwalo eka, kaha vyakulanda vyavindende mu zuvo, tunapu chumamuka? Kalunga kumbaata nge mu kutemwina chaliso. Kuhwima chove chivene chili muli livoko Lyenyi. Kaha Ikiye mukachi ketu kuhindula vakakuviza, kwambulula na kuhanjika, nakulweza, na kwambulula lwola lwakukupuka. Kaha chipwe kuhona kupwa wakutamo kuneha vyuma vyavindende, ishi wakufwa kukinduluka kukufwa cheka, mukachi ka etu. Yehova etu hali etu, Yehova muli etu, wamunene kaha NGWAPWA.

<sup>136</sup> Omwo Ikiye afwile, vakiko vashinganyekele nge vakiko vapwile na Ikiye. Ikiye akandukile muhetese. Omwo Ikiye ayile hano hamavu lize likumbi omwo Ikiye vamusukikile, Ikiye ayile mujiseteko jajimbala. Eyi Mbimbiliya ngwayo, “Ikiye ayile nakunangula kuli myono ize yapwilenga mukamenga, vaze vahonene kwalumuka nakupihilila mulwola lwa, makumbi a Nowa.” Omwo Ikiye afwile, kaha Shipilitu Yenye yamusele Ikiye, Ikiye ejile nakupwa Longosi cheka. Ikiye, Ngwamono, ambile ngwenyi, “Ngwafuma kuli Kalunga. Nanguya nakukinduluka kuli Kalunga.”

<sup>137</sup> Kaha Kalunga apwilenga ize Panda ya mulangi wa Kakahya ize ya twaminyinenga vana mulikundu. Kaha omwo Ikiye apwilenga hano hamavu...Kaha omwo Ikiye afwile, Ikiye

akindulukile mu Kumunyika cheka. Paulu amwene Ikiye, kaha Ikiye apwilenga Kumunyika. Naumwe pimbi hali vase vosena vamumwene Ikiye. Vakiko vamwene Paulu aholokele. Chumachimwe kumukwata ikiye, kaha Chapwile Kumunyika. Paulu ngwenyi, “Hiya Nguli nakuyanjisa?”

<sup>138</sup> Ikiye ambile ngwenyi, “Saulu, Saulu, mwomwoika uli nakunguyanjisa Yami?”

Ambile ngwenyi, “Hiya Ou?”

<sup>139</sup> Ikiye ambile ngwenyi, “Yami Yesu, uze uli nakuyanjisa, kaha chili chachikalu kuli ove kuliveta ku milezelo.”

<sup>140</sup> Kahajino ikiye ayile na kutanga chize Kumunyika. Paulu akindulukile mu Mbimbiliya, nakuwana chize Kumunyika chapwilenga. Kaha ikiye asonekele eyi Mukanda. Ikiye napu Yehova youmwe. Chize Kumunyika chochimwe chapwile muze mupambo na vana va Isalele. Kaha omwo Petulu apwile mukamenga, Ikiye apwile Kumunyika chize chejile nakwingila na kusokolola vikolo.

<sup>141</sup> Kaha ha likoji Lyenyi, shikaho naumwe pimbi atela kupwa na lisesa...Mamalelo, kachi vakiko vanahase kuvulyama ize miluwa ya kutanga, kaha anuka: keshi muluwa ko, napu Mujimbu. Ikiye neza cheka, na etu, muchifwanyisa cha Panda ya Kumunyika. Kaha Ikiye kutambuka na vikomwesa Vyenyi vyovimwe na vinjikizo, kwauchi vyakufuma mu Mbimbiliya; kutwama mwakwoloka na Mbimbiliya, kukwachilila mwshi ya kulyononona kuneha upahu Wenyi, kusolola ngolo Jenyi. Kukisula chipwenga ku Lijina Lyenyi lya kujila!

<sup>142</sup> Ngunatachikiza ove watela kushinganyeka nge Yami nguli wakuzaluka; oloze, mamalelo, vase vakukisula va Hayamyaka vosena vase vali Nakunoka mu mwono wami, chipwe nyamanganda nawakinduka, chikungo chami hanga chakwachila mulihina.

<sup>143</sup> Kaha kumumona Ikiye omwo Ikiye afwile, palanga, kakweji mwata ambachile fweto yimwe. Musana washikumuire mukachi ka likumbi. Kaha omwo Ikiye ayile kuchiyulo cha vathu, [Ndumbu walunga Branham kungongomweza hakamenga—Muka.] kungongomweza halipito, kaha chikolo kusokoloka hululu. Eyi Mbimbiliya ngwayo, “Ikiye anangwile ku myono ize yapwilenga mukamenga, vase vahonene kwalumuka mulwola lwa Nowa,” hanyima Ikiye nafumu hano hamavu. Ndumbwami walunga, ndumbu wapwevo, omwo Ikiye ahonesele, mulimo Wenyi wahano hamavu wapwilenga nakulinga, oloze Ikiye hanga apwile nakuzata. Kaha Ikiye hanga ali ha mulimo ufuku uno. Amena.

<sup>144</sup> Ikiye kungongomweza ha vikolo vya wakuujimbala. Eyi Mbimbiliya ngwayo Ikiye alingile. Kaha Ikiye chinjiho, “Yami Mbuto ya pwevo. Yami Vene uze Alama ahanjikile. Yami uze Umwe uze Enoch ngwenyi mwaya nakwiza na masauzande a

Ikiye vakakujila. Yami ngu Mwana Kalunga wakuyoya, kaha enu na kuvulumunanga mulikumbi lyove lya likoji. Oloze echi vachipolofwetele kuli enu, kuli vangelo, Enoch, Nowa, nge Ngwatela kwiza nakuzalisa kala Lizu lya Kalunga mu Mbimbiliya. Nguli hano nge chinjiho muno mu 'lifuchi lya kujimbala.'" Kaha Ikiye anangwile kuli vakiko.

Ikiye kushikumuka muhetese Ikiye engilile, kuya kuze kuchikolo cha hetese, kungongomweza hachikolo. Uze liyavolo asokolwele chikolo, ngwenyi, "Ngukukwechi Ove jino."

<sup>145</sup> Kufumisa jisapi kufumisa kusali yenyi, ambile ngwenyi, "Ove liyavolo, ove unavwisa woma lwola lwalusuku." Hano echi chili, hano vene mu Mbimbiliya. Nanguya mu munyutu kaha. "Ove unapunga nakuvwisa woma lwola lwalusuku, oloze Nguneza nakutambula." Kutambula jize jisapi na kumuveta, nakusoka kulipito.

Twaya kuhichila na kumbata Apalahama, Yisaka, na Yakova. Ha likumbi lyamuchitatu Ikiye asangukile, kaha vaze vasavalile muchimbumbembe vasangukile hamwe na Ikiye. Mamalelo, haleluya! Shikangaho uze mukakusoneka ahanjikile:

Kuyoya, Ikiye anguzangile yami; kufwa, Ikiye  
anguzangile yami;  
Kufunda, Ikiye ambachile shili jami  
kwakusuku;  
Kusanguka, Ikiye anguvulukilile kwoloka  
haya myaka:  
Likumbi limwe Ikiye ali nakwiza—mamalelo,  
likumbi lya upahu.

<sup>146</sup> Kukisula lungoji lweji kukasanga kumichima yetu na kulikata cha Vakakulishitu, zangi ya Kalunga. Omwo Ikiye asangukile, Ikiye apwile wakumine, oloze. Ikiye apwile na kuzata chachivulu kulinga.

<sup>147</sup> Eyi Mbimbiliya ngwayo, "Ikiye akandukile Helu na kuhana mawana akulitu." Kuze kuli kuyoya chakusukika hamavu, cha milima, ya milima, ya milima, na kuzeya. Aze malombo kawahashile kwiza nakulovokako, mwomwo ya Kutomesa kachapwileko. Oloze, Ikiye ahokwele lize lihina. Ikiye asokolwele jila. Ikiye ahokwele lihina lya kukola. Ikiye ahokwele lihina lya shili. Ikiye ahokwele lize lihina lyakuzeya. Ikiye ahokwele lihina lya kushikumuka. Ikiye ahokwele kala lihina, na kutunga likula jila hali vathu, kutambuka likula jila ya Mwangana. Mamaah, yami, omwo Ikiye ahichilenga kakweji na vatanganyika, ha kaha lika!

<sup>148</sup> Nakumukavangiza, Ikiye, ejile Mukakujila Tesitamende Yamwaka, Apalahama, Yisaka, na Yakova. Vakiko vayile nakwingila mu melu a Melu. Omwo vakiko vapwile kwakusuku kufuma ku Mbongi, Ngunakuhasa kumumona ikiye kukandula meso avo. Apalahama ambile ngwenyi, "Ize ikiko Mbongi ize

Ngwafwililenga kumona. Mamalelo, twaya kuno, Yisaka. Twaya kuno, Yakova. Mamalelo, etu twapwile vakakuzuzumana na vangeji mulifuchi, oloze kuli Mbongi. Kuli Umwe etu twatela kuvandamina.”

149 Kaha Mbimbiliya ngwayo vakiko vatambakanyine, “Zundula, enu vikolo vyahamyaka, kaha pwenu lika akuzundula, mwomwo Mwangana wa Upahu uli nakwiza.”

150 Kaha vaze Vangelo kunyima ya vikolo kutambakana kukinduluka cheka kuvanga vaze vangelo, kaha ngwenyi, “Hiya ou Mwangana wa Upahu?”

151 Kaha vangelo vaze vali hano, tupolofweto, ngwavo, “Ou Mwata wa Jita, Waundume mujita.”

152 Kaha vakiko vashindakanyine mbutau na kusokolola chikolo. Hazevene kuhita mukachi ka jijila Ikiye ejile, uze Mukakufungulula, wakufungulula, na va Tesitamende Yamwaka kutambuka kunyima ya Ikiye. Kutwama ha Litanda, ngwalyo, “Tata, hano vakiko vali. Vakiko vanapu Vove.”

153 Ikiye ambile ngwenyi, “Nyina hano nakutwama hamavu, palanga nomu Nangulingisa vakakole Jove kupwa kumahinji Ove.” Nge omu tunatange, etu tunawane hano mu Chisoneka. Chosena chakwoloka.

154 Ivwulilenu. Jino nge etu tuli ha vasi 8:

*Jino ikiye aluwile vyuma vyosena nakuingisa mwishi ya mahinji eyi. Mwomwo...ikiye aluwile vyuma vyosena mwishi ya mahinji eyi, kasele chuma chimweko chize chazenekele...kuchiluula kuli ikiyeko. Oloze makumbi ano kanda tumone...vyuma vyosena vaviluula lyehi kuli ikiye.*

Echi chikiko, kufwa. Etu katweshi nakumona kufwa, oloze, mwomwo etu hanga tuli nakufwa. Etu twamono kufwa.

Oloze, vasi 9, “Oloze etu twamono Yesu!” Amena. Ivwililenu.

*...tunamumono, ou valingishile kulihona chachindendena kweseka na vangelo ivene Yesu mwomwo haluyando lwakufwa, shikaho vanamuvwiki lyehi muchama waupahu na kavumbi; mangana ha likoiji lya Kalunga akamone kufwa hali vathu vosena.*

Mwomwoika Ikiye alumukile kuhambakana Vangelo? Shikaho Ikiye nahase kumakila kufwa. Ikiye atela kufwa. Ikiye atelele kwiza, na kufwa.

155 Tala hano, sepa. Kanda, kanda kuvulyama echiko. Omwo Yesu apwile nakuya, kutambuka nakukanduka hapili, kufwa kulijinga ku mutwe Wenyi.

156 Echa tumbatenu chifwanyisa chetu ku Yelusalema, myaka tu sauzande kunyima okwo. Kaha ove nauhasa kukana Echi? Ngwevwile chivumino kuhita mujila. Chumamuka echi?

Chinapu kuveta muchuma chimwe. Yinapu kulusu yimwe yakutanyuka kushikumuka hamavu, kuya nakulovoka mu Ndamashiku, kuliveta nakutumba hamalolwa. Aze malolwa amanene hanga aliko nalelo. Kuliveta haze hamalolwa amanene, kuliveta nakutumbuka. Ngunamono kuhita cha Manyinga mujila. Chumamuka echi? Uze napu Muthu wakuzeneka ulembe; kakweshi chuma chamwazako. Vathu vapwile tupuputa. Vakiko kavamwijiivile Ikiye ko. Vakiko kavamwijiivile Ikiye ko.

Ove ngwove, “Kapuputa? Vakiko vanahase kumona chavo?”

157 Enu munahase kupwa na kumona meso enu na kupwa kapuputa. Enu mwafwelela echi? Eyi Mbimbiliya yahanjika ngocho. Anuka Elisha kuze Ndatane? Ikiye ayile na kujiha vathu upuputa, ngwenyi, “Jino vangukavangiza yami.” Vakiko vapwile tupuputa kuli ikiye.

158 Kaha vathu vali vaupuputa ufukuuno. Liuka limwe kalyafwelela mukuhinduka cha Ukalunga, kutambuka nakwiza kuli yami lwola lumwe, kaha ngwenyi, “Nguvete upuputa. Nguvete upuputa.” Echi chapwile kuzuvo ya Ndumbu walunga Wright. Ngwenyi, “Nguvete upuputa.” Ngwenyi, “Paulu avetele muthu wakapuputa, lwola lumwe.” Ngwenyi, “Ali nakunguveta yami upuputa.”

159 Ngwambile ngwami, “Sepa, liyavolo nalingi lyehi. Ove uli vene kapuputa. Punduvene, ove uli.”

160 Ikiye ngwenyi, “Nguhindule kanyike wapwevo kaha Nanguya nakukufwelela ove.”

161 Ngwambile ngwami, “Lwila mukashili kaha Nanguya nakukufwelela ove.” Punduvene.

162 “Mamalelo,” ikiye ngwenyi, “ikiye atela kufwelela.”

163 Ngwambile ngwami, “Chuma chochimwe hano, echi chatela kwiza kuhichila mu likoji lya wakulimanyina lya Kalunga.”

164 Ou liyavolo, ou—ou kalunga wa kano kaye, ali nakufwika meso a vathu. “Vakiko vakwechi meso oloze vakiko kaveshi nakumonako,” eyi Mbimbiliya ngwayo.

165 Hano Ikiye apwile, kuya mujila, kukoka vimbundo vya Manyinga mujila. Uze *puka* wa kufwa apwilenga na mumunyi muli Ikiye, kwingila muli Ikiye, “Chindende kaha Nanguya nakupwa na Ove.” Ikiye apwilenga nakuzeya, lipwila lya meya.

166 Vangwashile likumbi limwe, kusavala hano muwande, manyinga kuhingunuka kufuma muli yami. Ngwatambakanyine kutonda meya. Kaha kala sepa kulaha, kumbata luze lupasa nakulwingisa mumeya, muli meya amwaka; akwimana hamwe, tuzembwila muze mumeya. Chejie nakuhita, kaha Ngwakwachile kukanwa kami kakusokolola; ikiye ashindakanyine chize. Mwomwo, manyinga apwile nakusapuka nge kaselwoke, haze vangwashile muvihanda na uta. Lipwila!

167 Kahajino Ngunatachikiza chumamuka Mwata wami atela kupwa, hanyima ya kuhita manyinga na chimene, kufuma hanaine koloko mbwe naku seli koloko mu chingoloshi, kujimbalisa Manyinga osena. Ngwamwene chikuto Chenyi, chatete, nge tuma twatundende hali echi. Kaha tuze tuma twaputukile kupwa twatunene nakupwa hamwe, kulingisa umwe kupwa Wamanyinga, kumuveta Ikiye hamahiji nge omu Ikiye atambukile nakujinguluka. Aze akiko apwilenga Manyinga a Emanuwele. Mamalelo, ha mavu kapwile wakutelako kuli Echi.

168 Oloze nge muze Ikiye ayile kwilu, uze *puka* mumuyinyi hali Ikiye. Chumamuka chalingikile? Makumishilo Wamutuvile.

Oloze, ndumbu walunga, kalawosena natachikiza, nge katutu mokomoko puka, kachi miminyinyi naukutuva kamwe, chize chakumisa kuzata cha mumunyi. Kaweshi cheka mumunyiko cheka. Mwomwo, omwo chayile, kukoka mumunyi wenyi.

Ou ukiko mulonga Kalunga atelele kupwa musonyi. Ikiye ambachile mumunyi wakufwa muli nyama Yenyi, kaha Ikiye akokele mumunyi kufuma mukufwa. Kukisula chipwenga ku Lijina Iya Mwata! Kufwa chinahase kukujinguluka na kutuva, oloze kayeshi kukulemekako.

169 Paulu, omwo ikiye evwile *puka* kukujinguluka hali ikiye, kufwa chapwile nakwiza nakutwalilaho. Ikiye ambile ngwenyi, “Ove kufwa, mumunyi wove ulihi?” Ikiye ahashile kwinyika ku Kavali kuze chasele mumujimba wa Emanuwele. “Kuli kuhasa chove? Oloze kusakwilila kuli Kalunga ou natuhane etu kuhasa kuhichila muli Mwata Yesu Kulishitu.” Eyo.

170 Etu katwamona vyuma vyosenako.

*Oloze etu twamumono Yesu, uze valingishile kupwa wamundende kuhambakana vangelo mwomwo... kuyanda cha kufwa,...*

*Mwomwo echi chinamutela ikiye, mwomwo vosena—vyuma vyosena, nge hakiko etu tuli na vyuma vyosena, mu kuputuka...vava vamaalunga vavavulu...kaha hakupwa wakulingisa kupwa mwangana kapitau wa ulwilo wetu... kuhichila mukuyanda.*

Jila yimwe kaha Ikiye ejile nakupwa Mukulwane wa ulwilo wetu, Ikiye atela kuyanda.

171 Ivwulilenu kuli awa Mazu amakumishilo hano jino. Jino ivwililenu.

*Mwomwo vosena naou mwajilika na vakiko vase vali nakujilika vosena vanapu...umwe:...*

Mamalelo, kamweshi na kumona Muvinyo na mutango kuze? Vosena.

*...chikiko ikiye keshi nasonyi kutuvuluka kupwa vandumbwenyi,*

Talenu? Mwomwoika? Ivwulilenu, vasi ikwavo.

*Kuhanjika, Nangukaya nakujimbula lijina lyami muli vandumbwami, mukachi ka liuka mukiko Nangukaya nakwimbila kwalisa kuli ikiye.*

*Kaha cheka, Nanguya nakuhakamo lufwelelo muli ikiye. Kaha cheka nawa, Tala Yami na vana vamihane ava vanaguhane.*

*Mwomwo jino nge vana vanapu vakwechi nyama na manyinga, ikiye nawa atambwileko nakupwa mwomumwe; nge kuhita mu kufwa mangana akamwenyeye uze akwechi ngolo ja kufwa, jili, muli liyavolo;*

*Kaha nakuwasokola vakiko kuhichila...mwomwo va...kuhita...mwomwo kufwa chapwile lwola lwosena kupwa kwononoka chakwingila muundungo.*

172 Muthu lwola lwosena vevwa woma. Kulishitu ejile nakupwa shili, vamulingisa kupwa mwishi, mangana ambate kufwa hali Lyavene. Kaha Ikiye keshi nasonyiko kumuvuluka kupwa “Ndumbwetu walunga,” mwomwo Ikiye vamwesekele nge etu omu vatwesekele. Kaha Ikiye nahase kulinga...kupwa mukwoloka cha muka kwimana mulipwata, mwomwo Ikiye emanyine mumuyachi woumwe wa cheseko chize nauhasa. Kaha Ikiye ambachile chihela chove, kutachikiza nge ove kaweshi kuhasa kumbata echiko ove lyavene.

173 Shikaho, kaweshi nakumonako, ndumbu walunga, ndumbu wapwevo? Chuma chosena chinapu likoji. Vyosena vya likoji. Echi kacheshi chikiko ove kulinga, mwosena omwo. Echi chikiko Ikiye akulingilile enu. Jino, ove kaweshi kuhasa kulinga chuma chimwe nachineha ulwilo woveko. Ulwilo wove unapu wana. Kulishitu ejile nakupwa shili, mangana ove wizenga nakupwa wakwoloka. Kaha Ikiye napu muyachi wakwoloka wa Mukulwane wa Tupitawu wa ulwilo, mwomwo Ikiye ayanjile chize twayanjile. Ikiye vamwesekele nge muze etu vatwesekele. Kaha Ikiye keshi nasonyiko hakusanyika “Ndumbwetu walunga,” mwomwo Ikiye atachikiza chuma muka etu natuya nakuhita. Mamalelo, va kisula Lijina Lyenyi!

*Mwomwo chamwenemwene kafwanyine hali ikiyeko mwomwo chifwanyisa cha vangelo; oloze ikiye ambachile kupwa mbuto ya Apalahama.*

174 Mamalelo, yami! Ikiye ejile nakupwa Kangelo. Ikiye ejile nakupwa Mbuto ya Apalahama. “Kaha etu, hakupwa vakufwa muli Kulishitu, mbatenu Mbuto ya Apalahama, kaha kupwa swana kutesekesa na lushiko.” Talenu? Ikiye kambachile muchifwanyisa cha Kangelo ko. Ikiye ejile nakupwa Kangelo.

Ikiye ejile nakupwa Muthu. Ikiye ejile nakupwa Mbuto ya Apalahama, kaha kumbata mumunyi wakufwa mu Mujimba Wenyi Lyavene, kukindulwisa etu kukinduluka kuli Kalunga, na jino kutwama muze kupwa Mukakwimanyinako mulipwata. Yami, omu tunahase kukana Echi, sepa?

175 Ivwililenu.

*Shikangaho muvyuma vyosena chamutelele ikiye kumulingisa kupwa nge vandumbwenyi, nge ikiye mangana apwenga wakeke na kushishika kapilishitu wakulitulaho muvyuma vyakutwala kuli Kalunga, mangana kupwenga kukinduluka . . . ku shili ja vathu.*

176 Nge Ikiye nahase kupwa Mukakukindulwisa! Talenu, kuze kwapwilenga kole mukachi ka Kalunga na muthu. Kaha kakweshi muthuko . . .

Vakiko vatumine vangelo, tupolofweto. Vakiko kavahashile kumbata chihela choveko, mwomwo vakiko vatela kulilombela vavene. Vakiko kavahashile kumbata chize chihela.

177 jino, Ikiye atumine lushimbi. Luze lushimbi lwapwile kapokola atuhakile mujele. Echi kacheshi kutuneha etu nakulovoka. Ikiye atumine lushimbi.

Ikiye atumine tupolofweto, Ikiye atumine vakakwoloka, kaha vyuma vyosena, kahashile kufumisa mulambu wahashili. Oloze Ikiye ejile na kwiza nakupwa umwe wetu. Mamaah, yami!

178 Ngwafwila kachi ngwapwanga nalwola lwakwoloka jino, Nanguya nakumbata lushimbi lwakusokoka; oloze etu katweshi, oloze chindende kaha. Chize chifwanyisa chamwaza chili muli Lute na Nowemi. Kachi ove muya nakumona, kukinduluka, omu uze jimi, uze lunga uze atelele kumusokola uze wakujimbala na kuholoka, atelele kupwa kausoko kuli muthu uze ajimbashile chihela chenye. Ou ukiko mulonga Boaz atela kupwa . . . apwile kausoko ka Nowemi, nge ikiye atelele kumbata na Lute. Kaha jino, ikiye atelele kupwa wakutela. Ikiye atelele kuchilinga chize, kusokola chajimbalile. Kaha Boaz, hachikolo, kuhana unjiho wakuli kulikungumbuwa, hakufumisa jisapato, nge ikiye asokwele Nowemi na vyosena ahetele. Kaha ikiye atelele kupwa kausoko.

179 Kaha ou ukiko mulonga Kulishitu, Kalunga, atela kwiza nakupwa kausoko kuli etu. Kaha Ikiye ejile nakushikumuka kaha apwilenga Muthu. Kaha Ikiye kuyanda chize. Kaha Ikiye apwile nakuseha, vamusehele, kaha vamunyanjishile, kaha vamukanyine, kaha vamuvulukile kupwa “Mbulezembule,” kaha—kaha vamusehele, kaha ayanjile nakukufwa mwishi ya mulonga wakufwa. Talenu? Ikiye atelele kupwa kausoko kuli etu. Ikiye atelele kupwa wakuvangijikila, mwomwo ove vanakuvangijikila. Ikiye atela kwima misongo, mwomwo ove unaviji. Ikiye atela kwima shili, mwomwo yapwile shili jove. Kaha Ikiye atela kwiza nakupwa kausoko. Jila yimwe kaha Ikiye



nahase kutusokola apwile vausoko kuli etu. Kaha omu Ikiye ejile nakupwa kausoko, ali ha kumbata chifwanyisa chashili na kwiza nakupwa umwe wetu. Kaha muli chize, Ikiye afwetele ndando na kutusokola etu cheka mukulikata cha Tata. Mamalelo, chuma Mulwilo! Mazu anahase kusolola echiko.

*Mwomwo muli ikiye ayanjile hakulihana kuyanda  
hakupwa, . . . na tela kuzangamisa vaze veseKanga.*

180 *Kuzamisa* kulumbununa “keke.” Uze, ukiko mulonga Ikiye ejile nakupwa *echi*, uze Ikiye nahase kukwivwila keke echi, nge Ikiye nahase kuvwila keke na uze nahase . . . kupwa navyove *helu* na *hamavu*, kaha vyove twatundende *kwingila* na *kulovoka*, na vyeseke vyavinene kavyeshi kuhasa kwimanako. Ikiye atachikijile omu mwakuvwila keke na enu. Ikiye kutwama kuze, mangana apwenga mukakwimanyinako mulipwata. Ikiye kutwama kze, kukuzanga ove. Kaha chipwe enu namuhungumuka, Ikiye keshi kukukanako. Ikiye hanga mweza hanyima ya ove na kungongomweza ha muchima wove. Kakweshi mukakulimbuka muno muzuvo oloze kutachikiza nge Kalunga kungongomweza hamuchima hakumbi hakumbi. Kaha Ikiye mwaya nakuchilinga kachi ove uli muthu wanyama hano hamavu, mwomwo Ikiye kukuzanga ove. Ikiye akusokwele.

181 Mukakusoneka neseka, mukakuhana kweseka, muthu ali nakweseka kusolola mutwe wachihanda wa “zangi,” kaha kaveshi kachiwanako kusoloka mukusolwesa chauthu. Umwe ambile ngwenyi:

Mamalelo, zangi ya Kalunga, omwo yavula  
kaha yitoma!  
Omwo yahona jimbango kaha yazama!  
Nayikaya na kwilila,  
Vakakujila na Vangelo kwimbo.

Kachi kalungalwiji azalile na ulombo,  
kaha kachi utangatanga wapwile lipapilo  
lyakusonekele;  
Kala chiswaswa hamavu apwile sonekeso,  
Kaha muthu wosena kupwa mukakusoneka;  
Kusoneka eyi zangi ya Kalunga wa Mwilu  
Kachi nachumisa kalungalwiji chau;  
Mokomoko lipepa kuhasa kupwa na vyosena,  
Chipwe lipwenga Iya kutanduula kufuma  
kuutangatanga na kuutangatanga.

182 Ove kaweshi kuhasa kwivwushisa. Kakweshi numba jila etu twevwishisa omwo uze mulambu waunene, nge Ikiye alingile, ejile nakushikumuka nakuliwana na Kalunga. Kahajino Ikiye akindulukile na kuhanjika ngwenyi, “Jino, Kangweshi kumiseza chakuzeneka kalemesa ko. Nanguya nakwiza cheka na kupwa na enu, na muli enu, na kumakumishilo akaye.”

183 Kaha hano etu tuli lelo, kuyoyela mulwola lwamakumishilo, na Yesu youmwe, vyuma vyovimwe, vinjikizo vyovimwe, vikomwesa vyovimwe, ulwilo youmwe, youmwe Shipilitu kulinga vyuma vyovimwe, Mujimbu wamwaza, Lizu lyolimwe, kusolola chimwe, kusoloka chimwe, vyuma vyosena. Echi chinatela etu kuhona kuhumbula ou ulwilo waunene, mwomwo etu natukaya nakukumbulula, likumbi limwe, na etu natulinga ika na Mwana Kalunga.

184 Ikiye ali kumavoko enu ufukuuno, mukashili, mukakukinduluka kunyima. Naukaya nakulinga ika na Ikiye? Enu ngwenu, “Chamwaza, Nanguya nakufumisa Echi.” Oloze, anuka, kanda kulinga ngachizeko. Kakweshi numba jila, numba mumwe, kachi ove umuka shili, mangana uhone kuseza ino zuvo na kupwa chochimwe. Ove kaweshi kuhasa kuchilingako.

185 Pilatu, ufuku umwe, kweseka kuchilinga chize. Ikiye atondele meya amwe kaha ikiye asanyine kumavoko eyi. Ambile ngwenyi, “Kangweshi nachuma chimweko na Echiko. Nguli kaha na chochimwe nge kanda lyehi nguchimone Echi. Kanda lyehi nguvwenga Mujimbu wamwaza. Ngwatondo chuma chimwe na Echi.” Kutala nahase kumusana Echi kumavoko enyi? Ikiye kahashileko.

186 Makumishilo, munatachikiza omwo chasolokele kuli Pilatu? Ikiye ajimbalishile vishinganyeka vyenyi. Kaha jila yakuya ku Switzerland, kuze etu twapwanga ku mwaka unahichi, kunangula Mujimbu wamwaza, jino kuli wakulimanyina uze ahanjikile, chize, kuze chijiva cha meya kuze, kuze vathu veji kwizanga kufuma kukaye kwosena, na kutala, hamwaka wosena, ha lwola lwa kusukika. Pilatu, ikiye alingishile mukufwa, hakulisukika, nakutumbukila mumeya nakulondamana. Kaha mwaka hi mwaka, ha likumbi lyolimwe, meya atele kufumisa muze muchijiva, kusolwesa nge Kalunga vanakane meya. Meya kaweshi kuhasa kusana Manyinga a Yesu kumavoko oveko mokomoko mwono wove. Kuli kaha jila yimwe yakulinga echi, shina kwitavila Echi kupwa kukonekela chamuthu hakapanji na kumukindulwisa kuli Kalunga.

Echenu tulombe.

187 Tata wa Mwilu, etu twakusakwilila Ove ufukuuno ha Lizu. “Mwomwo lufwelelo nalwiza ha kwivwulila, kaha kwivwulila ha Lizu.” Etu twasakwilila Ove hali Yesu. Kaha nge etu tulinakumona likumbi lyalinene lize etu tulinakuyoyelamo, omu vinjikizo na vikomwesa, omu etu natwecha vituhite. Kalunga, sokolola meso a vathu muli ino mbalaka, ufukuuno, mangana vakiko vahase kumona na kwivwishisa nge etu tuli mumaola amakumishilo. Lwola lunahete lyehi. Etu katweshi nalwola lwakushimbulako hano, kaha etu twatela kumona Yesu. Kaha etu natuya nakupwa vakuvuluka kupwa vandoji, mwomwo kakweshi kaleyelo. Chimene chino, omwo Ove wahanyine chize

unene, chimweno, cha uze muthu kwiza hano, kufuma mujila ya lifuchi kuze; kaha kumumona ikiye, kusali ya muvwimbimbi wa kufwa, kutuka kufuma muchitwamo chakalikoki, kutambula kumona chenye. Mahinji eyi kwiza nakukakama, kuhita muze muzuvo, kuwahilila nakwalisa Kalunga. Echi chinasoloka nge Kalunga ali wakutela kufumisa kuli awa malolwa kupwa vana va Apalahama. Kumona vimweno, nge Yesu ambile ngwenyi, “Kangweshi kulinga chumako palanga Tata nangusolwelacho Yami. Kangweshi kuhasa kulinga chuma chimweko.”

<sup>188</sup> Uze lunga wakapuputa amukavangijile Ikiye, kaha ngwenyi, “Nguvwile keke hali etu.”

<sup>189</sup> Ikiye ngwenyi, kwata meso avo kaha ngwenyi, “Kutesekesa na lufwelelo lwove, chipwenga ngocho kuli ove.”

<sup>190</sup> Jino, Mwata, etu twamono Yesu. Etu katwamona vyuma vyosenako. Etu twamono hanga twambachila kupwa mukakujila wa etu kuze kuchimbumbembe, kaha kutambuka ha chimbumbembe chamukwavo. Oloze etu twamono Yesu, uze atangile lushiko. Etu twamumono Ikiye na etu. Keshi Yesu muze muchimbumbembe, keshi Yesu hanyima ya myaka tu sauzande kunyima okwo; oloze Yesu ufukuuno, echi chili na etu. Etu twamono Ikiye kusoloka mujingolo Jenyi josena, na vinjikizo, na vihayamisa.

<sup>191</sup> Kalunga, kanda natuhumbula Ulwilo waunene ngana. Oloze echa etu tupwenu nakuli eli Eli, na kwitavila Echi, na kupwa vakuunda, na kuyoyela hali Echi palanga likumbi lize Yesu mwakeza nakumbata etu Limbo. Tuhanecho echi, Mwata. Etu twalombo echi mu Lijina Lyenyi.

<sup>192</sup> Kaha shimbu etu natupwa na mitwe yetu yakunongama, Ngwalikomokela kachi kuli muthu muno muzuvo ufukuuno, mwishi ya Kusoloka cha Ukalunga cha Shipilitu Wajila, mwaya nakuhanjika, “Ndumbu walunga Branham, Nguli wakukunyuka nge Nguli wakuhenga. Nguli wakukunyuka nge Nguli wakuhenga. Kalunga nangusolwelacho yami shili jami. Kaha Ngunatachikiza nge Nguli wakuhenga. Nanguya nakukatula livoko lyami kuli Ikiye na kulomba keke, ufukuuno. Kalunga, nguvwile keke. Nguli wakuhenga.” Unahase kulinga ngocho?

<sup>193</sup> Shimbu etu tuli nakuvandamina chindende, kachi kuli muthu hano natondo, kuli kujimika nakuya muchihela chachindende. Kaha kachi ove umuka shili, Nanguya nakwalumuka nakupilila. Nauya ngachilohi nakukana zangi kana yauze Umwe afwile? Ou Kalunga wa Mwilu ejile nakupwa Muthu washili; keshi mwomwo Ikiye avulumwine shili, oloze mwomwo Ikiye apwile na jishili jove, kaha nakuvatwala ku Kavali. Kaha ove kaweshi kwitavila echi kukonekela ko? Kaweshi kuhasa kulinga echiko ufukuuno? Shimbu tuli na mitwe yetu yakunongama, muthuumwe ngwenyi, “Anuka yami, Ndumbu walunga Branham. Ngunazundula mavoko

kuli Kulishitu, nakuhanjika, ‘Nguvwile keke. Nguli—Nguli wakuhenga, kaha Ngwatondo kuliwana na Kalunga.’” Unahase kuzundula livoko lyove?

Chosena chakwoloka, kachi wosena napu Mukakulishitu, kahajino, echa tulombe.

<sup>194</sup> Tata, etu twakusakwilila Ove ufukuuno, nge wosena muli muno vali Vakakulishitu, nge vakiko vamwene chochimwe hakupwa vakuhola, nge vakiko jishili javo jili mwishi ya Manyinga. Kaha Nguli wakusakwilila hali echi. Vakisule vakiko, Mwata. Mamalelo, Yami ngunawahilila chikuma kuwana vakiko vanakindulwisa cheka kuhichila mu mulambu wa Manyinga, ha kwivwulila eli Lizu. Kukosa cha meya, ha Lizu, Atutomesele etu. Chatunehela kuchihela chachinene, kuze—kuze mukashili, na milima yenyi, kumulingisa kupwa utoma nge vula yachishika. Chize chikuto chapwanga namanono ashili vanawakoso, kaha etu tuneza nakupwa jitengeso jajihya muli Kulishitu. Omu etu twasakwilila chize, Ove, hali echi.

Jino kutanga chakujimika kwiza. Ngunevwushisa nge ou mukweze wapwevo wakalemesa, ufukuuno, vatela kumujimika hano, mu Lijina lya Mwata.

<sup>195</sup> Ove Tata wa Mwilu, etu twalombo nge Ove muya nakukisula ou mukweze wapwevo. Omu vishinganyeka vyami kuya nakukinduluka mumakumbi amandende kunyima okwo, kwiza ku Henryville nakumona nge uze kanyike wapwevo wamundende kutambuka nakujinguluka kuze muze mujila. Kaha ufukuuno, ikiye ali mama, pwevo wakalemesa. Ikiye nakukwitavila Ove kupwa Mulwilo wenyi. Kuyoya chinapu chachikalu na mwana, Mwata, Ove Kalunga, oloze Mwilu ali wakukunyuka hali ikiye. Kaha etu twasakwilila Ove hali chize. Etu twalombo, Kalunga, nge Ove muya nakukisula uze pwevo jino. Kaha nge ikiye mweza nakupwa vakujimika na meya, echa Ove kumuzalisa hamwe na Shipilitu Wajila wa Kalunga. Tuhanecho echi, Mwata. Echa mwono wenyi uyoyerone chikuma, mu Melu! Tuhanecho echi ha upahu Wove. Etu twalombo echi mu Lijina lya Yesu. Amena.

<sup>196</sup> [Ha tepu hapimbi—Muka.] Ngwatondo kutanga kufuma mu Vilinga, kapetulu 2; Petulu kuhanjika, ha Likumbi lya Pendekosita, lujimiko lwatete luze lwazachililenga Liuka lya Vakakulishitu. Petulu, kutenukila va Fwaliseu na vathu tupuputa, mwomwo kavatachikijileko Mwana Kalunga; kuhanjika cha omwo Kalunga amusangwile Ikiye, kaha kwinjikiza milimo Yenyi, vinjikizo vyavinene na vihayamisa. Ivwililenu kuli echi, nge omuahanjikile. Ikiye apwilenga nakuzezula Yesu.

<sup>197</sup> Kala Mukakulishitu shipilitu kuzezula Yesu, keshi kaha hamivumbo yoveko, oloze ha kuyoya chove. Mivumbo yove yinahase kuhanjika chuma chimwe, chiyoyelo chove linga

chikwavo. Kachi ove mulinga chize, ove unatachikiza chuma muka echi? Echi chinapu makuli. Kaha Ngwatela kutalisa Mwilu nge mukashili kuhambakana mukakulyonga. Nanguya nakumbata lihanya lyami wamwaza, Ngwafwelela, Mwilu, nge—nge mukashili, kuhambakana kupwa mukakulyonga. Ngwashinganyekele vene. . . Kachi ove mwambulula hali Yesu na kuhanjika “Ikiye kupwa Mulwilo,” ove muyoya ngachize, mwomwo vathu kuya nakutala kufuma muli ove. Chize chakwoloka. Ove kuyoya nge omu atela Mukakulishitu kupwa. Etu twayile nakuhita nge omu chili chimene chino.

<sup>198</sup> Jino, Mwata netavila, hamene naufuku, mokomoko. . . Chitatu naufuku, etu tuli nakumbata kapetulu 3, ou napu kapetulu wamwaza. Kaha jino, pwenu vakukunyuka kweseka kwiza Chitatu naufuku. Vangahi vali nakuwahilila ou Mukanda, wa eyi shikola ya Chalumingo? [Chikungulwilo ngwacho, “Amena.”—Muka.] Mamalelo, ngwakusakwilila chikuma. Echi chamwaza.

<sup>199</sup> Jino, Ngwatondo kutanga jino kufuma mu Vilinga, kapetulu 2, kuputukila ha vasi 32.

*Ou Yesu uze umwe Kalunga vasangwile, mangana etu. . . twinjicho.* (Vakiko vatachikijile echi.)

*Shikangaho kupwa kulivoko lya kwoloka lya Kalunga, ha kutambula lushiko kuli Tata lwa Shipilitu Wajila, Ikiye uze amwangile vyangocho, uze enu jino mweji kumonanga na kwivwa.*

<sup>200</sup> Jino iwwililenu hali ikiye kuhanjika hali Ndavichi, umwe hali vangelo.

*Mwomwo Ndavichi kakandukile mwiluko: oloze ikiye ngwenyi lyavene, Uze MWATA ahanjikile kuli Mwata wami, Twama ove kulivoko lyami lyachilyo,*

*Palanga Ngulingise vakakole jove kupwa kuvilyachilo vya mahinji.*

Ndavichi kahashile kuya helu; ikiye apwilenga mwishi ya manyinga a ikiye vakashili, na pembe, kaha mukoko. Oloze jino ikiye ahashile kukatula; ikiye apwilenga mwishi ya Manyinga a Mwata Yesu. Mwomwo vakiko navakakumbulula kuli aze Manyinga omwo Nachikeza na ngolo. Omwo Manyinga a Kulishitu kwiza mungolo, vosena vaze vafwile mukuwaha na uselewa, kusanguka, echi chakwoloka, kaha akandukile mu Upahu.

<sup>201</sup> Jino iwwililenu.

*Shikangaho echa vosena zuvo ya Isalele kutachikiza. . . (Ivwililenu kuli echi.) . . . nge Kalunga nalingisa ou Yesu kupwa youmwe, muze. . . vasukikile, vosena vavali Mwata na Kulishitu.*

Ngachilihi chize? Ikiye Muthu wamuchitatu wa tulunga vatatu, mokomoko ali Ikiye uze muka tulunga vatatu? Ikiye napu kuzalilila cha Ukalunga, mujimba wosena.

<sup>202</sup> Kakweshi chuma chakufwana nge Tulunga vatatu: Kalunga Tata, Kalunga Mwana, na Kalunga Shipilitu Wajila. Kakweshi numba mu Chisoneka, kakweshi kumwe. Kakweshi kumweko. Kakweshi kumwe kwapwile etu vatulwekele kujimika “mu lijina lya Tata, na mu lijina lya Mwana, na lijina lya Shipilitu Wajila,” keshi kumwe mu Visonekako. Echi chinapu jishimbi ja Katolika, kaha echi kacheshi chava Vakakulikanga kuli katolika ko. Nanguya nakuhula kala muthu kungulwekesa yami Chisoneka kuze kala muthu vamujiimikile mukala jila kuhambakana mu Lijina lya Mwata Yesu Kulishitu. Twaya, utale kuli yami, kaha Nanguya nakuhaka chinjikizo hanyima yami, “Mukakulyonga, kaha kapolofweto wa kwonga, mukakunangula wa kwonga,” kaha yako mujila. Kakweshi chuma changochoko. Kanda lyehi kupwenga kala muthu wakujimika muli eyi jila. Echi chinapu jishimbi ja Katolika, kaha keshi kunangula cha Vakakulikangako.

<sup>203</sup> “Matewu 28:19,” enu ngwenu, “Yesu ngwenyi, ‘Yenunga jino mukaye kosena, mukanangule mafuchi osena, vajimikenu mu Lijina lya Tata, Mwana, na Shipilitu Wajila.’” Echi chakwoloka.

Oloze keshi, “Mu lijina lya Tata, lijina lya Mwana, lijina lya Shipilitu Wajila.” Eli *Lijina* lya Tata, eli *Lijina* (keshi majina), lya Tata . . .

*Tata* keshi lijina ko. Vangahi vatachikiza echi? Vangahi vakakuluka vali hano? Zundula mavoko enu. Vangahi vana vali hano? Zundula livoko lyove. Vangahi vali muno? Katulenu mavoko enu. Chosena chakwoloka. Jino, lijina lyove lika? Keshi tata, mwana, mokomoko muthu.

<sup>204</sup> Pwevo umwe ahanjikile kuli yami lwola lumwe, uze apwilenga mukakupolofweta, ikiye ngwenyi, “Ndumbu walunga Branham, oloze Shipilitu Wajila napu lijina.”

<sup>205</sup> Ngwambile ngwami, “Shipilitu Wajila keshi lijina ko, ou Shipilitu Wajila chuma muka Echi shili. Ou *ali* Shipilitu Wajila, keshi lijina ko, muze mukiko Chili. Yami ngumuthu, oloze lijina lyami keshi muthu kahako, lijina lyami yami ikiye William Branham.”

<sup>206</sup> Shikaho, kachi Ikiye ngwenyi, “Shikaho yenunga shikangaho, mukanangule mafuchi osena, kuvajimika vakiko mu *Lijina* lya Tata, na lya Mwana, na lya Shipilitu Wajila,” kahajino Petulu, makumbi likumi hanyima, ngwenyi, “Alumuka chakupihilila,” jino, hano, ivwulilenu hali echi:

Kaha *omwo* vakiko vevwile echi, vakiko vevwile vangu mu *michima* yavo, kaha vambile kuli Petulu na . . . vapositolo vakwavo ngwavo, Malunga vandumbwetu, natulinga muka?

*Kahajino Petulu avambile ngwenyi, Alumuka chakupihilila, muthu himuthu, kaha vamijimike mu lijina lya Mwata Yesu Kulishitu chakuneha kujimbangana jishili jenu, kaha enu namutambula wana wa Shipilitu Wajila.*

207 Kahajino kumana Petulu alingile chuma Yesu amulwekele kulinga? Ikiye kapwile muchimbalanganyi, etu tunapu tu muchimbalanganyi.

208 Ha Vilinga 2:38, va Yuleya vava jimikile mu Lijina lya Mwata Yesu Kulishitu, ha kwingisa.

Mu Vilinga, kapetulu 8, etu twawane nge Fwilipu ayile na kunangula kuli vaka Samaliya, kaha nakuvajimika mu Lijina lya Mwata Yesu Kulishitu, ka Samaliya.

Mu Vilinga 10:49, Petulu ahanjikile Vakamafuchi eka na eka vava jimikile mu Lijina lya Mwata Yesu Kulishitu.

209 Paulu, Vilinga 10:5, “Ikiye ahichile nge kangolo ja ka Efwesu, ikiye awanyine tumbaji.” Vakiko vapwile kambaji ka Mbaputishiti; vapwile, vosena umwe, va Mbaputishiti. Vakiko vavalumwine kuhichila muli mukakunangula muka Mbaputishiti wa lijina lya—lya, talenu, Apollos. Kaha ikiye apwilenga mukakunangula wamu Mbaputishiti, “Kaha ikiye vamwinjikijile kuli Mbimbiliya nge Yesu apwilenga Kulishitu.”

Paulu ngwenyi, “Enu mwatambula Shipilitu Wajila kufuma haze enu mwafwelela?”

210 Vakiko ngwavo, “Etu katwatachikiza nge katwama vyakufwana nge Shipilitu Wajila.”

211 Ngwenyi, “Kahajino enu vamijikile ngachilihi?”

212 Vakiko vambile ngwavo, “Etu vanatujimika kuli muthu youmwe uze ajimikile Yesu, tuva wina muze. Chize chamwaza chikuma.”

213 Paulu ngwenyi, “Echi kacheshi kuzachiwako jino. Enu mwatela kumijimika, cheka.” Kaha Paulu avalwekele vakiko kuvajimika, cheka, mu Lijina lya Mwata Yesu Kulishitu. Kuhaka mavoko enyi hali vakiko, kaha Shipilitu Wajila kwiza hali vakiko. Chakwoloka. Eyo, mwane.

Nachiya nakupwa Kumunyika mu lwola lwa chingoloshi,


Eyi jila ya Upahu enu namukaya nakuwana;  
Mu jila ya meya, chize chikiko Kumunyika lelo,  
Kufunda mu Lijina lya Yesu wamwaza.

Mukweze na kashinakaji, kwalumuka  
nakupihilila jishili josena,

Ou Shipilitu Wajila mwaya vene nakwingila;  
Chize Kumunyika cha chingoloshi kwiza,  
Echi chinapu muchano wa Kalunga na  
Kulishitu ali Umwe.

<sup>214</sup> Omu mukiko yahanjika Mbimbiliya. Echi chakwoloka. Elu lunapu lwola, elu lunapu lwola luze etu twatela kupihilila nakwalumuka.

<sup>215</sup> Kukulweka, kutambakana omwo muli vakulizanga, muze muchijiva. Kaha etu natuya. . . [Uze ndumbu walunga ngwenyi, “Etu tuli vakulizanga.”—Muka.] Ove uli wakulizanga? Chosena chakwoloka, kukoka mahina.

<sup>216</sup> Jino, ou Mwata amikisule enu jino, nge omu vakakuzata lujimiko. Munahase enu vosena kumona hano? 



*HEPELEU, KAPETULU WAMUCHIVALI 2 LVE57-0825E*  
(Hebrews, Chapter Two <sup>2</sup>)

MIKANDA YA KULINUNGA YA HEPELEU

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Chalumingo na chingoloshi, Kukumi 25, 1957, ha Mbalaka ya Branham mu Jeffersonville, Indiana, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)